

TEZĂUR LITURGIC
3 FEBRUARIE

SLUJBA
SFÂNTULUI
ȘI
DREPTULUI
SIMEON,
PRIMITORUL
DE DUMNEZEU



MOSCOVA, 2000



Мѣсяца Февруарія въ 3-й дѣнь СЛУЖБА СВЯТОМУ И ПРАВЕДНОМУ СИМЕОНУ БОГОПРІИМЦУ

НА МАЛЪЙ ВЕЧЕРНИ,

[На Господи воззвахъ:] **стихиры святому на 4,
гласъ 4. Подобенъ:** Далъ еси знаменіе.

Праведенъ и совершенъ* и по всему славенъ
сый, богодохновенне,* Бога Единого
совершенна,* во еже оправдати міръ
пришедшаго,* подъялъ еси руками
воплощенна,* и отрѣшиться имый тлесе,
вопіялъ еси Ему:* нынѣ отпускаеши раба
Твоего* съ миромъ, Человѣколюбче,* яко видѣхъ
Тя днесь. **[Дважды.]**

Юношествуя духомъ,* престарѣвъ же тѣломъ,
Симеоне,* обѣщаніе пріялъ еси не видѣти
смерти,* дондеже увидиши Младенца
юна,* прежде вѣкъ сущаго Творца и Бога
всяческихъ,* плотию обнищавша,* видѣвъ же,
взыгралъ еси* и плоти разрѣшеніе просилъ
еси,* къ Божественнымъ селеніемъ прешедъ,
радуясь.

Анна богодохнове́нная* и Семео́нъ пребога́тый,* проро́чествомъ сія́юще,* въ зако́нъ же непоро́чни я́вльшіися,* зако́на Дате́ля,* Младенца, я́вльшася по на́мъ ви́дѣвше,* Тому́ ны́нѣ поклони́шася.* Тѣхъ па́мь дне́сь радостно пра́зднуимъ,* по до́лгу сла́вяще Иису́са Чело́вѣколю́бца.

Сла́ва, гла́съ 6:

Проро́че и проповѣ́дателью Христо́въ,* престо́ла вели́чества́ нико́гдаже отлуча́еши* и ко́муждо немо́щному́ всегда́ предсто́иши, въ вы́шнихъ служя́,* вселе́нную исполня́еши, всю́ду просла́вляе́мый,* испроси́ просвѣ́щеніе ду́шамъ на́шимъ.

И ны́нѣ, пра́здника, гла́съ 4:

Дне́сь свяще́нная Ма́ти* и святи́лища вы́шши* во святи́лище при́де,* я́вльшая ми́ру Законода́вца и зако́на Творца́.* Его́же на ру́ки прие́мъ ста́рецъ Семео́нъ,* раду́ясь зыва́ше:* ны́нѣ отпу́щаеши раба́ Твоего́,* я́ко ви́дѣхъ Тя, Спа́са ду́шъ на́шихъ.

На стиховнѣ стихи́ры пра́здника, гла́съ 7.

Космы́ мона́ха:

Украси́ твой черто́гъ, Сіо́не,* и поды́ми Царя́ Христа́,* цѣлу́й Мари́ю, небе́сную Две́рь.* Та́ бо

престо́лъ херувимскій яви́ся,* Та́ но́ситъ Царя́ сла́вы.* Обла́къ свѣ́та е́сть Дѣ́ва,* нося́щи на рука́хъ Сы́на прѣ́жде денни́цы,* Егѡ́же пріе́мъ Симео́нъ на ру́ки своя́,* проповѣ́дуя люде́мъ Влады́ку Сего́ бы́ти живота́ и сме́рти,* и Спа́са мі́ру.

Стихъ: **Ны́нѣ** отпу́щаеши раба́ Твоего́, Влады́ко, по глаго́лу Твоему́, съ ми́ромъ.

Возсія́вшаго прѣ́жде вѣ́къ отъ Отца́, напослѣ́докъ же отъ ло́жеснъ дѣ́вическихъ нося́щи въ цѣ́рковь неискусобра́чная Ма́ти, въ Сина́йстѣй горѣ́ Законоположи́вшаго, повелѣ́нію зако́нному повиную́щаяся принесе́ святите́лю ста́рцу и пра́веднику, Христа́ Го́спода ви́дѣти о́бщанна. Егѡ́же пріе́мъ Симео́нъ на ру́ки своя́, возра́довася, вопія́: Бо́гъ е́сть Се́й, Отцу́ Соприсносу́щный, и Изба́витель ду́шъ на́шихъ.

Стихъ: **Свѣ́тъ** во открове́ніе язы́ковъ и сла́ву люде́й Твои́хъ Изра́иля.

Единоро́днаго Сы́на, Собезнача́льна Отцу́, развѣ́рзша ло́жесна́ безсѣ́менно Ма́тере, повиную́щися зако́на повелѣ́ніемъ, Богоро́дице Ма́ріа напослѣ́докъ изъ Нея́ вопло́щагося и съ челове́ки пожи́вшаго приноша́етъ Бо́гови всѣ́хъ Первосвя́тителя, исполня́ющаго зако́нъ дрѣ́вняго Законода́вца, Егѡ́же пріе́мъ Симео́нъ на руку́

своею, проповѣдаше людемъ: Бѣгъ естъ Сей,
Отцу Собезначаленъ, Избавитель душамъ
нашимъ.

Слава, гласъ 1:

Се Симеонъ вопіяше:* пререкаемое знаменіе
Сей будетъ:* Бѣгъ Сый и Отроча.* Сему, вѣрни,
возопіемъ:* благословіте, вся дѣла Господня,
Господа.

И нынѣ, праздника, гласъ 4:

Законъ, иже въ писаніи,* исполняя,
Человѣколюбецъ* въ цѣрковь нынѣ
приносится,* и Сего пріемлетъ старыми руками
Симеонъ, —* нынѣ отпускаеши мя, — вопія, —
* ко оному блаженству:* видѣхъ бо Тя днесь,
плотію мѣртвенною обложеннаго,* животомъ
господствующа* и смѣртію владычествующа.

Тропарь Симеону, гласъ 4:

Симеонъ старецъ днесь веселится,*
воспріятіемъ на руку свою Младенца Превѣчнаго
Бѣга,* отъ узъ плоти разрѣшиться прося и
вопія:* видѣсть очи мой* спасеніе Твое мірови.

Слава, и нынѣ, праздника, гласъ 1:

Радуйся, Благодѣтельная Богородице Дѣво, изъ
Тебе бо возсія Солнце правды — Христосъ, Бѣгъ

на́шъ, просвѣща́яй су́щія во тмѣ́. Весели́ся и ты́,
ста́рче пра́ведный, при́емый во объ́ятія
Свободи́теля ду́шъ на́шихъ, да́рующаго на́мъ
воскресе́ніе.

Та́же, екте́нія ма́лая: Помилуй на́съ Бо́же...
И отпу́сть.

НА ВЕЛИЦЬЙ ВЕЧЕРНИ,

**Блаже́нь му́жъ.., 1-й антифо́нь. На Го́споди
воззва́хъ.., поёмъ стихи́ры пра́зднику 3 и
свята́го 5, гла́съ 1. Самогла́сны.**

Глаго́ли, Симео́не,* Кого́ нося́ на ру́ку въ
це́ркви ра́дуешься?* Ко́му зове́ши и
вопи́еши:* ны́нѣ свобо́дихся, ви́дѣхъ бо Спа́са
моего́?* Се́й е́сть отъ Дѣ́вы ро́ждейся,* Се́й е́сть
отъ Бо́га Бо́гъ Сло́во,* воплоти́выйся на́съ ра́ди и
спасы́й чело́вѣка,* То́му покло́нимся.

При́ими, Симео́не,* Е́гоже подѣ́ мра́комъ
Моисе́й зако́нополага́юща прови́дѣ въ
Сина́и,* Младѣ́нца бы́вша, зако́ну
повину́ющася.* Се́й е́сть зако́номъ
глаго́лавый,* Се́й е́сть во проро́цѣхъ
рече́нный,* воплоти́выйся на́съ ра́ди и спасы́й
чело́вѣка,* То́му покло́нимся.

Прийдемъ и мы,* пѣсньми божественными
Христа усрящемъ* и приимемъ Его,* Егоже
спасеніе Симеонъ видѣ.* Сей есть, Егоже Давидъ
провозвѣсти,* Сей есть во пророцѣхъ
глаголавый,* воплотивыйся насъ ради и
закономъ вѣщавый,* Тому поклонимся.

Стихиры Симеону Богоприимцу, гласъ 4.

Подобенъ: Даль еси знаменіе.

Праведенъ и совершенъ* и по всему славенъ
сый, богодохновенне,* Бога Единого
совершенна,* во еже оправдати міръ
пришедшаго,* подъялъ еси руками
воплощенна,* и отрѣшиться имый тѣлесѣ,
вопіялъ еси Ему:* нынѣ отпускаеши раба
Твоего* съ миромъ, Человѣколюбче,* яко видѣхъ
Тя днесь. **[Дважды.]**

Юношествуя духомъ,* престарѣвъ же тѣломъ,
Симеоне,* обѣщаніе пріялъ еси не видѣти
смерти,* дондеже увидиши Младенца
юна,* прежде вѣкъ сущаго Творца и Бога
всяческихъ,* плотию обнищавша,* видѣвъ же,
взыгралъ еси* и плоти разрѣшеніе просилъ
еси,* къ Божественнымъ селеніемъ прешедъ,
радуясь. **[Дважды.]**

Анна богодохновенная* и Симеонъ
пребогатый,* пророчествіемъ сіяющіи,* въ

зако́нъ же непоро́чни я́вльшіися,* зако́на
 Да́теля,* Младенца́, я́вльшася по на́мъ
 ви́дѣвшѣ,* Тому́ ны́нѣ поклони́шася.* Тѣхъ
 па́мьть днѣсь радостно пра́зднуимъ,* по до́лгу
 сла́вяще Іисуса́ Человѣколю́бца.

Сла́ва, гла́сь 6:

Возсія́ день радостный* па́мьти богови́дца и
 богопри́ймца Симео́на:* се́й бо престо́лу
 вели́чествія моле́бнѣ днѣсь предстои́тъ,* Егѡ́же
 въ жи́зни на руку́ понесе́,* о Немъ же
 проро́чески вѣща:* се́, — рече́, — лежи́тъ Се́й на
 паде́ніе* и на воста́ніе мно́гимъ во Изра́или.* И
 къ Ро́ждшей Того́ возгласи́:* и Тебѣ́, Пречи́стая,
 Само́й се́рдце про́йдесть ору́жіе.* Егѡ́же, вѣрни́и,
 свято́е торже́ство* и лѣ́тнюю [1] па́мьть
 почита́юще усѣ́рдно,* къ нему́ воззовѣ́мъ:* о
 богому́дре и богоно́сче,* ева́нгельскихъ та́инъ
 благовѣ́стникомъ сви́дѣльствованны́й
 пра́ведниче* и Ду́ха Свята́го испо́лненный,
 Симео́не,* не преста́й моля́ за ны́,* Егѡ́же я́ко
 Младенца́ на руку́ свое́ю понесе́ еси́,* да
 изба́вить ны́ въ де́нь Су́дный шу́яго стоя́нія,* и
 свободи́тъ вѣ́чнаго муче́нія,* и спасе́тъ ду́ши
 на́ша,* я́ко Милосе́рдъ и Человѣколю́бецъ.

И ны́нѣ, пра́здника, гла́сь 6:

Да отвёрзется дверь небесная
 днесь:* Безначальное бо Слово Отчее,* начало
 приёмъ подъ лѣты,* не отступль Своего
 Божества,* отъ Дѣвы яко Младенецъ
 четыредесятиднёвень* Материю вольнѣ
 приносится въ цѣрковь законную,* и Сего на
 руки приёмлетъ старецъ, —* отпусти, —
 зовый, — раба, Владыко,* ибо очи мои видѣста
 спасеніе Твое.* Пришедый въ міръ спасти родъ
 человеѣчъ,* Господи, слава Тебѣ.

**Входъ. Прокимень дне и чтенія три.
 Премудрости Соломона чтеніе. [Глава 3.]**

Праведныхъ души въ руцѣ Божіей, и не
 прикоснется ихъ мука. Непщевани быша во
 очесѣхъ безумныхъ умерети, и вмѣнися озлобленіе
 исходъ ихъ, и еже отъ насъ шествіе —
 сокрушеніе, они же суть въ мірѣ. Ибо предъ
 лицемъ человеѣческимъ, аще и муку приимуть,
 упованіе ихъ безсмертія исполнено. И вмалѣ
 наказани бывше, великими благодѣтельствовани
 будутъ, яко Богъ искуси я и обрѣте ихъ достойны
 Себѣ. Яко злато въ горнилѣ, искуси ихъ и, яко
 всеплодіе жертвенное, пріяте я. И во время
 посѣщенія ихъ, возсіяють, и яко искры по
 стѣблѣю, потекутъ. Судятъ языкомъ и обладають
 людьми, и воцарится Господь въ нихъ во вѣки.
 Надѣющіися Нанѣ разумѣють истину и вѣрніи въ

любови пребудуть Емѹ, яко благодать и мѣлость въ преподобныхъ Его́ и посѣщѣніе во избранныхъ Его́.

Премудрости Соломо́ни чтѣніе. [Глава́ 5 и 6.]

Праведницы во вѣки живѹтъ, и въ Господѣ мзда ихъ, и попечѣніе ихъ у Вышняго. Сего́ ради приимуть царствіе благолѣпія и вѣнецъ доброты отъ руки Господни, зане́ десницею покрыетъ я́ и мышцею защититъ ихъ. Прииметъ всеорѹжіе — рвеніе свое́ и вооружитъ тварь въ мѣсть врагомъ. Облечѣтся въ броня́ правды и возложитъ шлемъ — судъ нелицемѣренъ. Прииметъ щитъ непобѣдимый — преподобіе, поостритъ же напрасный гнѣвъ — во оружіе, споборетъ же съ нимъ міръ на безумныя. Пойдутъ праволѹчныя стрѣлы́ молніины и, яко отъ благокрѹгла лѹка облаковъ, на намѣреніе полетятъ, и отъ каменомѣтныя ярости исполнь падѹтъ грады. Вознегодѹетъ на нихъ вода́ морская, рѣки же потопятъ я́ нагло. Сопротивъ станетъ имъ дѹхъ силы и, яко вихоръ, развѣетъ ихъ, и опустошитъ всю́ зѣмлю беззаконіе, и злодѣйство превратитъ престолы́ сильныхъ. Слы́шите ꙋбо, царіе, и разумѣйте, навѣикните, судіи́ концевъ земли. Внушіте держащии множества и гордящися о наро́дѣхъ языковъ,

яко дана́ єсть отъ Гóспода держа́ва ва́мъ и си́ла
отъ Вы́шняго.

Премудрости Соломо́ни чтéние. [Глава́ 4.]

Праведникъ, аще постигнетъ скончати́ся, въ
поко́и бу́детъ. Ста́рость бо честна́ не многолѣтна,
ниже́ въ числѣ́ лѣтъ исчита́ется. Съди́на же єсть
му́дрость чело́вѣкомъ, и во́зраст ста́рости —
житі́е несквѣрное. Благоуго́денъ Бо́гови бѣ́въ,
возлю́бленъ бѣ́сть, и живы́й посредѣ́ грѣ́шникъ,
преста́вленъ бѣ́сть. Восхи́щенъ бѣ́сть, да не
зло́ба измѣ́нитъ ра́зума егó или́ лѣ́сть прельсти́тъ
ду́шу егó. Раче́ніе бо зло́бы помрача́етъ до́брая и
паре́ніе по́хоти, премѣ́няетъ у́мъ незло́бивъ.
Сконча́вся вма́лѣ, испо́лни лѣ́та до́лга, уго́дна бо
бѣ́ Гóсподеви ду́ша егó, сего́ ра́ди потща́ся отъ
среды́ лука́вствія. Лю́діе же ви́дѣвше и не
разумѣ́вше, ниже́ поло́жше въ помышлѣ́ніи
тако́вое, я́ко благода́ть и ми́лость въ
преподо́бныхъ Егó и посѣ́щеніе во избра́нныхъ
Егó.

На литіи стихи́ры пра́здника самогла́сны, гласъ 1.

Вѣтхій де́ньми,* Иже зако́нъ дрѣ́вле въ Сина́и
да́въ Моисе́ю,* дне́сь Младене́цъ ви́дится* и по
зако́ну, я́ко зако́на Творе́цъ,* зако́нъ исполня́я,
во храмъ прино́сится, и ста́рцу да́ется.* Прие́мъ

же Сего́ Симео́нъ праведный* и, о́бщаній сбытіе
 видѣвъ соверша́емое,* радостно
 вопіяше:* видѣша́ о́чи мой* е́же отъ вѣ́ка
 та́инство сокрове́нное,* напослѣ́докъ днѣ́й сѣхъ
 явля́вшееся,* Свѣ́тъ, разоря́я невѣ́рныхъ язы́ковъ
 омраче́ніе* и сла́ву да́я новоизбра́нному
 Изра́илю;* тѣ́мже отпусти́ раба́ Твоего́ отъ сою́зъ
 сея́ плоти* къ нестарѣ́мому и чу́дному
 неконча́емому живо́ту,* пода́я мі́рови ве́лію
 ми́лость.

Дне́сь дре́вле Моисе́ю въ Сина́и зако́нъ
 пода́вый* зако́ннымъ повину́ется
 велѣ́ніемъ,* на́съ ра́ди, я́ко Милосе́рдъ, по на́мъ
 бы́въ.* Ны́нѣ Чи́стый Бо́гъ я́ко Отроча́
 Свя́то,* ло́жесна́ разве́рзъ Чи́стыя,* Себѣ́ Само́му
 я́ко Бо́гъ прино́сится,* зако́нныя кля́твы
 свобо́жда́я* и просвѣ́ща́я ду́ши на́ша.

Гла́съ 2:

Ему́же вы́шніи служи́теліе съ трѣ́петомъ
 мо́лятся,* до́лу ны́нѣ Симео́нъ ве́щными рука́ми
 прие́мъ,* Бо́га челове́комъ соедині́тися
 проповѣ́да,* и Чело́вка небе́сна Бо́га
 ви́дѣй,* отлуча́ясь су́щихъ на земли, радостно
 взыва́ше:* Иже во тмѣ́ су́щимъ невече́рній Свѣ́тъ
 открыва́яй,* Го́споди, сла́ва Тебѣ́.

Днёсь Симеонъ на рѹки Господа славы
 подъѣмлетъ,* Егѡже подѣ мракомъ перѣе
 Моисей видѣ,* на горѣ Синайстѣй скрижали
 дающа ему.* Сей естъ, Иже во пророцѣхъ
 глаголай и закона Творецъ.* Сей естъ, Егѡже
 Давидъ возвѣщаетъ,* Иже всѣмъ страшный,
 имѣй велию и богатыю милость.

Священнаго священная Дѣва принесѣ во
 святилище святителю,* простѣръ же рѹцѣ,
 Симеонъ пріять Сего, радуясь, и возопи.* нынѣ
 отпускаеши раба Твоего, Владыко,* по глаголу
 Твоему съ миромъ, Господи.

Зиждитель небесѣ и земли на рукахъ
 ношаешься* святымъ Симеономъ старцемъ
 днёсь,* той бо Духомъ Святымъ
 глаголаше:* нынѣ свободихся,* видѣхъ бо Спаса
 моего.

Днёсь Симеонъ старецъ* во храмъ входитъ,
 радуясь духомъ,* Законодавца Моисеева и
 Исполнителя закона на рѹки воспріяти.* Онъ убо
 мракомъ и гласомъ неявленнымъ боговидецъ
 сподобися быти,* покровеннымъ лицемъ евреевъ
 невѣрная сердца изобличитъ,* сей же первовѣчное
 Слово Отчее воплощенное понесѣ* и языкомъ
 откры Свѣтъ, Крестъ и Воскресѣніе.* И Анна
 пророчица показася,* Спаса Избавителя

Израїлю проповѣдаючи.* Тому возопіймъ,
Христу Богу нашему:* Богородицы ради
помилуй насъ.

Слава, святому, гласъ 4:

Иже боговидѣніемъ осіяемъ достойно,* и
пророческимъ проповѣданіемъ,* и благодатию
почтенъ бѣвъ, богодухновенне Симеоне,* и
Божественнаго сподобленъ бѣвъ
блаженства,* еже къ Препоблагову нынѣ
дерзновеніе и милость стяжавъ,* молися
непрестанно* о иже вѣрою ты хвалящихъ и
чтущихъ,* яко блага вѣщателя, честна и
богопостыжна,* отъ бѣдъ избавити* и спасти
души наша.

И нынѣ, праздника, гласъ 5:

Вѣтхій дѣньми, младенствовавъ
плотию,* Матерію Дѣвою въ церковь
приносится,* Своего закона исполняя
обѣщаніе,* Егоже Симеонъ приимъ,
глаголаше:* нынѣ отпускаеши съ міромъ,* по
глаголу Твоему, раба Твоего,* видѣша бо очи мои
спасеніе Твое, Святыи.

На стиховнѣ стихиры святому, гласъ 2.

Подобенъ: Егда отъ древа.

Обрѣте духовная заря твоего ума, пророче Симеоне,* чистоту сияющую:* якоже зеркало, явственнo мiръ озарилъ еси* богоразумiя сиянiемъ блистая* и провозвѣщая Грядущаго,* Иже подаетъ благодать всѣмъ человекoмъ* молитвами твоими, пречудне.

Стихъ: Ты еси iерей во вѣкъ* по чину Мелхиседекову.

Уста бывъ Божiя,* нечестiя дѣлатели явѣ обличилъ еси,* судомъ неизбѣжнымъ тѣхъ осудивъ,* Симеоне дивне,* правды учению послѣдуя и Божественнымъ судьбамъ.* Тѣмже премудрымъ ти глаголомъ видяще возведенiе, блаженне,* пѣснями достойно восхваляемъ тя.

Стихъ: Моисей и Ааронъ во iереехъ Его* и Самуилъ въ [призывающихъ имя Его].

Престолу Владычню предстоя* и неизреченныя славы насыщаемъ,* доброты же зря премiрныя* и свѣта исполняемъ,* пророче Симеоне богогласе,* вся, чтущiя тя, вѣрою поминай,* симъ душевное спасенiе* и разрѣшенiе согрѣшенiемъ всѣмъ прося, богопостижне.

Сла́ва, свято́му, гласъ 1:

Се́ Симео́нъ вопія́ше: пререка́емое зна́меніе Се́й бу́детъ, Бо́гъ Сы́й и Отроча́. Сему́, вѣ́рніи, возо́пѣмъ: благо́словѣте, вся́ дѣ́ла Господня́, Го́спода.

И ны́нѣ, гласъ 8:

Иже на херувимѣхъ носимый* и пѣваемый отъ серафимъ,* днесь въ Божественное святилище по закону приносимъ,* на старческихъ, яко на престолѣ, сѣдитъ рукахъ* и отъ Іосифа приѣмлетъ дары боголѣпно,* яко супругъ горлицищъ,* нескверную Церковь и отъ языкъ новоизбранныя люди,* голубина же два птенца,* яко Начальникъ Вѣтхаго же и Новаго.* Еже къ Нему́ обѣщанія Симео́нъ ко́нѣцъ приѣмъ,* благо́слова Дѣ́ву Марию Богородицу,* страстей образы, Иже изъ Нея́, провозгласи* и отъ Него́ проша́ше отпу́щенія, вопія́:* ны́нѣ отпусти́ мя, Влады́ко,* якоже прѣ́жде возвѣ́сти ми,* яко ви́дѣхъ Тя́, перво́вѣчнаго Свѣ́та* и Спа́са Го́спода христоимені́тымъ лю́демъ.

На благо́словеніи хлѣ́бовъ: Тропа́рь свята́го, два́жды [пи́санъ на ма́лѣй вече́рни] и пра́зднику: Ра́дуйся, Благода́тная Богоро́дице Дѣ́во..., еди́ножды.

**И чтѣніе святому отъ словъ: Празднику,
ему́же нача́ло...**

НА УТРЕНИ,

На Бо́гъ Господь: Тропа́рь праздни́ку, два́жды.

Сла́ва, Симео́ну. И ны́нѣ, праздни́ку.

По 1-й стихоло́гіи съда́ленъ святому́, гла́съ 5.

Подобѣнь: Собезнача́льное Сло́во.

**Не смѣсенъ начертаніемъ до́льнымъ, сла́вне,
ты́, умъ стяжавъ, Божѣ́ственнаго Ду́ха чистѣ́е,
Симео́не богопрі́ймче, бы́лъ еси́, сія́нія Его́
пріе́мля свѣ́тло и всѣ́мъ облиста́я. Тѣ́мже мо́лимъ
тя́: о ми́ръ всего́ ми́ра помоли́ся.**

Сла́ва, и ны́нѣ, праздни́ку, гла́съ 1:

**Ли́къ а́нгельскій да удиви́тся чуде́си,* земніи
же гла́сы, возопіе́мъ пѣ́ніе,* зря́ще неизрече́нное
Бо́жіе снизхожде́ніе,* Его́же бо трепещу́тъ
небе́сныя си́лы,* ны́нѣ ста́рчи объе́млютъ ру́цѣ
Еди́наго Человѣ́колю́бца.**

По 2-й стихоло́гіи съда́ленъ святому́, гла́съ 4.

Подобѣнь: Вознесы́йся.

**На Божѣ́ственнѣй стра́жи ста́лъ еси́, блаже́нне,
и разу́мѣль еси́ Бо́жіе пріа́тіе проро́ческими
очи́ма, богодохнове́нне. Тѣ́мже и возопи́лъ еси́,**

Симео́не Богопрі́ймче, со стра́хомъ: Го́споди, услы́шахъ сла́вное воспрі́ятіе Твое́ и воспѣ́ваю Тя, въ плоть брѣ́ннюю отъ Дѣ́вы во́лею облѣ́кшася.

Сла́ва, и ны́нѣ, праж́днику, гла́съ 1.

Подобѣ́нь: Ка́мени запеча́тану.

Въ це́рковь прине́сся еси́, Жи́знь вся́ческихъ,* мене́ ради младе́нствовавъ,* подѣ́ закономъ бы́ль еси́,* дре́вле начерта́въ на скрижа́лѣхъ зако́нъ на горѣ́ Сина́йстѣй,* да вся́ измѣ́ниши отъ зако́нныя дре́вня рабо́ты.* Сла́ва Благоутро́бію Твоему́, Спа́се,* сла́ва Ца́рствію Твоему́,* сла́ва смотре́нію Твоему́, Еди́не Чело́вѣколю́бче.

Велича́ніе:

Велича́емъ тя, святы́й пра́ведный Симео́не Богопрі́ймче, и чте́мъ святу́ю па́мять твою́, ты́ бо мо́лиши о́ насъ Христа́, Бо́га на́шего.
[Пса́ломъ избра́нный: Блаже́нь му́жъ боя́йся Го́спода, въ за́повѣдехъ Его́ восхо́щетъ зѣ́ло...]

По поліе́еи съда́ленъ Симео́ну, гла́съ 5:

Очи́стивъ отъ скве́рны у́мъ, премудре,* зерца́ло божѣ́ственное содѣ́лался еси́* и ны́нѣ къ воспрі́ятію Сы́на Бо́жія,* раду́ясь, пришѣ́ль еси́, проро́че Симео́не.

Сла́ва, и ны́нѣ, пра́здника, гла́съ 5.

Подобень: Собезначальное Слово.

Во хра́мъ принёсся еси́,* обы́чная исполня́я,* Творе́цъ, и Влады́ка, и зако́на Дате́ль, Спа́се,* и на рука́хъ Симео́на благоволе́ниемъ Твои́мъ носится плото́ю,* Иже всѣ́мъ стра́шный и всю́ тва́рь содержи́,* восхотѣ́ль еси́, Еди́не Ще́дре,* свѣ́тъ Тво́й всѣ́мъ откры́ти на́мъ.

Та́же степе́нна, 1-й антифо́нь 4-го гла́са. Прокиме́нь, [гла́съ 4]: **Возвеселі́тся** пра́ведникъ о Го́сподѣ* и упова́етъ на Него́. **Стихъ:** Услы́ши, Бо́же, гла́съ мо́й, внемла́ моли́ти ми ся́ къ Тебѣ́. **Вся́кое дыха́ніе... Евангеліе отъ Луки́, за́чало 8.**

По 50-мъ псалмѣ́ стихи́ра самогла́сна, гла́съ 6:

Проро́че и проповѣ́дателю Христо́въ Симео́не Богопри́имче, престо́ла вели́чества́ никогда́же отлуча́еши́ся и кому́ждо немо́щному́ всегда́ предсто́йши, въ вы́шнихъ служа́, вселе́нную исполня́еши, всю́ду просла́вляе́мый, испроси́ просвѣ́щеніе ду́шамъ на́шимъ.

Кано́нь пра́здника со ирмосо́мъ на 6 и свята́го Симео́на на [8].

Канонъ праздника, творение Козмы монаха, глава 3. Пѣснь 1.

Ирмосъ: *Съшу глубородительную зѣмлю
солнце нашествова иногда: яко стѣна бо, огустъ
обаполы вода людемъ пѣшоморехоходящимъ и
богоугодно поющимъ: поимъ Господеви, славно бо
прославися.*

*Да каплють воду облацы, Солнце бо, на облацѣ
легцѣ носимо, настало естъ, на нетлѣнную руку,
Христось въ цѣркви яко Младенецъ. Тѣмже,
вѣрнии, возопимъ: поимъ Господеви, славно бо
прославися.*

*Крѣпитесь, рѣцѣ Симеони, старостию
ослабленнии, лѣста же претружденна старча
правобыстро движитася Христу на срѣтеніе,
ликъ со безплотными составляше, поимъ
Господеви, славно бо прославися.*

*Разумомъ простѣртая небеса, веселитесь, и
радуйся, земле, изъ Пребожественныхъ бо нѣдръ
Хитрець прошедъ Христось, Матерію Дѣвою
Богу Отцу приносится Младенецъ, Иже прѣжде
всѣхъ, славно бо прославися.*

**Другій канонъ Симеону, гласъ 4, емуже
краегранесіе: Пріими пѣніе, Симеоне
Богопріимче.**

Пѣснь 1.

Ирмосъ: *Отвѣрзу уста́ моя́, и напо́лнятся
Ду́ха, и сло́во отры́гну Цари́цу Ма́тери, и
явлю́ся, свѣ́тло торже́ствуя, и воспою́, раду́ясь,
Тоя́ чудеса́.*

Въ пра́ведныхъ селе́ніихъ ра́достно водворя́ясь
Пра́веднаго Го́спода, Симеоне пра́ведный, иже
боже́ственное твоѐ соверша́ющія преста́вленіе,
оправда́ти моли́, преблага́енне.

Въ зако́нѣ бы́въ свяще́ннодѣ́тель,
священнѣ́йше, Егѡ́же зако́нъ проповѣ́да,
Младѣ́нца видѣ́лъ еси́ и естества́ зако́номъ,
Богопріи́мче, умерѣ́, къ безсме́ртнѣ́й, раду́ясь,
преше́лъ еси́ жи́зни.

Рука́ми держа́щаго все́лennыя концы́,
Дѣ́вическими носі́ма рука́ми, видѣ́лъ еси́ и,
че́стными твои́ми приѣ́мъ объа́ти, Моисе́я
вы́шшій яви́лся еси́, пребога́те.

Богоро́диченъ: **По́лный** исто́щава́ется,
Превѣ́чный начина́ется, Сло́во одебелева́ется,
Содѣ́тель зи́ждется, Невмѣ́стимый вмѣ́щается, во
чре́вѣ Твоѣ́мъ воплоща́емъ, Богоблага́датная.

Катавасія: Сѹшу глубородительную...

Пѣснь 3.

Ирмось: Утверждѣніе на Тя надѣющихся,
утверди, Господи, Церковь, Юже стяжалъ еси
честною Твоею кровію.

Перворождѣнъ изъ Отца прѣжде вѣкъ,
перворождѣнъ Младенецъ изъ Дѣвы нетлѣнныя,
Адаму руку простирая, явился.

Млагоумна бѣвши прелестію первозданнаго
паки исправляяй Богъ Слово, младенствовавъ,
явился.

Земли исчадіе, паки потѣкшее въ ню, Божества
сообразное естество Зиждитель яко непреложнѣ,
младенствовавъ, яви.

Инъ.

Ирмось: Яко неплоды роди отъ языка
Церковь, и многое въ чадѣхъ изнеможе сонмище,
чудному Богу нашему возопіимъ: Святъ еси,
Господи.

Возвысился дѣяньми священными,
богоглаголивъ, яко свѣтовидѣнъ столпъ высокъ,
Всесвятому Духу быль еси, утверждаяся явѣ,
тѣмже восхваляемъ тя.

**Закону Господа, разверзшаго ложесна Дѣвѣи,
и Младенца, плотоносна, Симеоне, бывша,
видѣль еси, дарующаго всѣмъ избавленіе.**

**Руками человека создавый, воплощься, руками
твоими держимъ естъ, освящая тя явѣ, и къ
жизни будущей просившася, блаженне,
отпускаетъ тя.**

**Богородиченъ: Мысленную Тя клещу, угль
носящу Божественный, отъ Твоихъ кровей
воплощенна паче ума Симеонъ яко видѣ,
Всепорочная, радуяся, ублажаше.**

По 3-й пѣсни, кондакъ праздника, гласъ 1:

**Утробу Дѣвѣи освятивый Рождествомъ
Твоимъ и руцѣ Симеонъ благословивый, якоже
подобаше, предваривъ, и нынѣ спаслъ еси насъ,
Христѣ Боже, но умири во бранѣхъ жительство и
укрѣпи Императора, Егѣже возлюбилъ еси,
Едине Человѣколюбче.**

Икосъ:

**Къ Богородицѣ притецемъ, хотящии Сына Ея
видѣти, къ Симеону носима, Егѣже съ небесѣ
безплотни видяще, дивляхуся, глаголюще:
чудная зримъ нынѣ и преславная,
непостижимая, несказанная! Иже бо Адама
создавый носится яко Младенецъ, Невмѣстимый**

вмѣщается на рукахъ старчихъ, Иже въ нѣдрѣхъ неописанныхъ Сый Отца Своего волею описуется плотию, а не Божествомъ, Единъ Человѣколюбецъ.

Съдаленъ, гласъ 4. Подобенъ: Удивися Іосифъ.

На горѣ Синайстѣй дрѣвлѣ видѣ Моисей задняя Божія, и тонкій Божественный гласъ сподобися во мрацѣ же и вихрѣ слышати. Нынѣ же Симеонъ воплощеннаго Бога непреложнѣ насъ ради на руки пріять и радостно тщашеся ити отъ сущихъ здѣ къ животу вѣчному. Тѣмже вопіяше: нынѣ отпускаеши раба Твоего, Владыко.

**Слава, и нынѣ, тойже.
Пѣснь 4.**

Ирмосъ: *Покрыла естъ небеса добродѣтель Твоя, Христѣ, изъ Кивота бо прошедъ святыни, Твоея Нетлѣнныя Матере, въ храмъ Славы Твоея явился еси, яко Младенецъ руконосимъ, и исполнишася вся Твоего хваления.*

Радуйся, Симеоне, неизреченныхъ тайнниче, — Богородица вопіяше, — о Нѣмже отъ Святаго дрѣвле извѣстися тебѣ Духа, младенствовавшего Слова Христа на руки пріими, зовый Ему: исполнишася вся Твоего хваления.

На Него́же упова́ль еси́, Симео́не, во́зраст дѣтищный, раду́ся, поды́ми Христа́, Изра́иля божество́ннаго утѣше́ніе, зако́на Творца́ и Влады́ку, исполня́ющаго зако́на чинѣ́, зовы́й Ему́: испо́лнишася вся́ Твоего́ хвалё́нія.

Ви́дя Симео́нъ Сло́во безнача́льное, съ плото́ю, я́ко на престо́лѣ херувимстѣ́мъ, Дѣ́вою носимо́, ви́новнаго е́же бы́ти вся́ческихъ, я́ко Младенцу́ дивя́ся, вопія́ше Ему́: испо́лнишася вся́ Твоего́ хвалё́нія.

Инѣ́.

Ирмо́сь: *Съдѣ́й въ сла́вѣ на Престо́лѣ Божества́ во облацѣ́хъ ле́гивъ, пріи́де Иису́съ Пребоже́ственный, Нетлѣ́нною Дла́нію и спасе́ зову́щія: сла́ва, Христѣ́, си́ль Твое́й.*

Престарѣ́лся еси́ въ ста́рости, вѣ́рою же обнові́лся еси́, но́ва Младенца́ хотя́ видѣ́ти, Симео́не, всесоверше́ннаго, обновля́юща міръ обетша́вший прило́гомъ вѣ́тхаго борца́.

Ублажи́мъ со́гласно Симео́на блаже́ннаго, я́ко сподо́блшася видѣ́ти Бо́га блаже́ннаго, въ плоть обоклшася́, я́ко да сотвори́тъ блаже́нны, ока́янны прѣ́жде бы́вшія.

Законода́вца Тя́ вѣ́мъ и зако́нныхъ естества́ вопло́щагося кромѣ́, зако́нъ же но́въ

ввѣдшаго, — Симеонъ взываше, — Едино
Господи, нынѣ отпусти мя къ жизни нетлѣнной.

Богородиченъ: Иже рукою вся носяй, на
рукахъ носимый Приснодѣвы, Сію херувимъ
содѣла и серафимъ вышшу, яко родительницу,
Юже воспоймъ и благочестно ублажимъ.

Пѣснь 5.

Ирмосъ: Яко видѣ Исаія образно на престолѣ
превознесѣна Бога, отъ ангель славы
дориносима, — о, окаянный, — вопіяше, — азъ!
Провидѣхъ бо воплощаема Бога, Свѣта
невечерна, и міромъ владычествующа.

Разумѣвъ божественный старецъ проявленную
древле пророку славу, руками Слово зря
Матерними держимо, — о, радуйся, —
вопіяше, — Чистая! Яко престолъ, бо держиши
Бога, Свѣта невечернаго и міромъ
владычествующа.

Поклонься старецъ, и стопамъ божественнѣ
прикоснувся неискусобрачныя и Богоматере, —
Огнь, — рече, — носиши, Чистая: Младенца
боюся объяти Бога, Свѣта невечернаго и міромъ
владычествующа.

Очищается Исаія, отъ серафима уголь пріемъ, —
старецъ вопіяше Богоматери, — Ты, якоже

кле́щами, рука́ми просвѣща́еши мя́, пода́вши, Егѡ́же но́сиши, Свѣ́та невече́рняго и ми́ромъ влады́честву́ющая.

Инѣ.

Ирмо́сь: *Ужасо́шася* *вся́ческая* *о*
Божѣ́ственнѣ́й *сла́вѣ* *Твое́й:* *Ты́* *бо,*
неискусобра́чная *Дѣ́во,* *имѣ́ла еси́* *во утробѣ́*
надѣ́ всѣ́ми Бо́га, *и роди́ла еси́* *Безлѣ́тнаго Сы́на,*
всѣ́мъ, воспѣ́вающимъ *Тя́,* *ми́ръ подава́ющая.*

Ума́ чистото́ю Бо́гу Вседержи́телю, я́ко а́нгель
 послужи́въ, блаже́нне, кро́вными же́ртвами
 очисти́лъ еси́ дре́вле лю́ди Изра́илевы, кро́вь
 спаси́тельную предзна́менавъ я́сно.

Самогó себе́ сотвори́лъ еси́ хра́мъ Бо́гу все́святъ
 дѣ́лы божѣ́ственными, богоглаго́ливѣ. Тѣ́мже я́ко
 Младенца́ во свя́тѣмъ хра́мѣ́ ви́дѣлъ еси́ Бо́га съ
 плѣ́тію, тя́ преста́вляю́ща къ Божѣ́ственнымъ
 селѣ́ніемъ.

Воспоймъ́ днѣ́сь, духо́вно лику́юще, всі́
 Симео́на Богопри́имца и съ́ нимъ́ Анну́
 цѣ́ломудру́ю, проро́ки су́ща Бо́жія, и Сего́
 ви́дѣвши́я, насъ́ ради́ младенствова́вшаго.

Богоро́диченъ: **Н**е опа́ли́въ ложе́снѣ́ Твои́хъ
 естество́мъ Неизмѣ́нный, Еди́на херуви́мъ
 святы́йши, Человѣ́къ яви́ся, изъ́ Тебе́ ражда́емъ, и

отриновѣнныя тлѣніемъ вся совокупі, Богомѣти,
Рождествѣмъ Твоимъ.

Пѣснь 6.

Ирмосъ: *Возопі къ Тебѣ, видѣвъ старецъ
очима спасеніе, еже людемъ прииде отъ Бога:
Христѣ, Ты Богъ мой.*

Сіону Ты камень возложился еси,
непокоривымъ претыканіе и соблазна камень,
нерушимое вѣрныхъ спасеніе.

Извѣстнѣ нося начертаніе Иже прѣжде вѣкъ Тя
израстившаго, земныхъ за милосердіе нынѣ
немощю обложися.

Сыну Вышняго, Сыну Дѣвы, Богу, Отрочати
бывшему, поклѣньшася Тебѣ нынѣ отпусти съ
міромъ.

Инъ.

Ирмосъ: *Возопі, прообразуя погребеніе
триднѣвное, пророкъ Іона, въ китѣ моляся: отъ
тліи избави мя, Іисусе, Царю силъ.*

Возопилъ еси, внемда видѣлъ еси Господа,
Симеоне, яко обѣщался еси: нынѣ раба Твоего,
Спасе, отпусти, во адѣ сущимъ всѣмъ Твое
Божественное возвѣщающа воплощеніе.

Украси́лся еси́ и Моисе́я свѣтлѣ́йшій бы́лъ еси́,
на ру́ки добро́тою Кра́снаго при́ймъ, Симео́не
ста́рче, насъ ра́ди по на́мъ Младенца́ бы́вша.

Во́дъ тя́ испо́лнена Божѣ́ственныхъ су́ща и во
а́дова до́льная мѣ́ста сше́дша, ви́дѣвше та́мо
су́щии у́зницы, Симео́не, Божѣ́ственныя росы́
испо́лнишася.

Богоро́диченъ: Уло́вити мя́ всегда́ и́щеть
вселука́вый, но то́го мя́ сѣ́тей исхи́ти,
Влады́чице, и божѣ́ственнымъ кро́вомъ крѣ́ль
Твои́хъ цѣ́ла соблюди́.

Конда́къ Симео́ну, гла́съ 4.

Подобе́нь: Яви́лся еси́ дне́сь.

Ста́рецъ дне́сь отрѣ́шится отъ ю́зъ моля́щеся
сего́ жити́я тлѣ́ннаго, Христа́ воспри́ять на ру́ки,
Зижди́теля и Го́спода.

Ико́сь:

Госпо́дня сви́дѣтельства при́емъ, Симео́не
Богопри́ймче, па́че всѣ́хъ чело́вѣкъ вы́сши бы́лъ
еси́; тѣ́мже похва́лы прине́сти тебѣ́ ужасо́хся, но,
любо́вию пону́дився, пѣ́снь нача́ти дерзну́хъ,
тѣ́мже не отри́ни, помо́щникъ на́мъ бу́ди,
прехва́льне, да возмо́гу пѣ́ти че́стны ру́цѣ твои́,
войсти́ну прикосну́вшиися богопри́ятнѣ

Божественному Младенцу, ибо се Христа
восприялъ еси на руку, Зиждителя и Господа.

Пѣснь 7.

Ирмосъ: Тебѣ во огни оросившаго отроки
богословившія, и въ Дѣву нетлѣнну всельшагося
Бога Слова поимъ, благочестно поюще:
благословенъ Богъ отецъ нашихъ.

Адаму извѣстити хотѣй идѹ, во адѣ живущу, и
Евѣ принести благовѣстіе, — Симеонъ вопіаше,
со пророки ликуя: благословенъ Богъ отецъ
нашихъ.

Рода зѣмна избавляяй Богъ даже до ада
прійдетъ, плѣннымъ же подастъ всѣмъ
оставленіе и прозрѣніе слѣпымъ, яко и нѣмымъ
вопѣти: благословенъ Богъ отецъ нашихъ.

И Твое сердце, Нетлѣнная, оружіе пройдетъ, —
Симеонъ Богородицѣ провозгласи, — на Крестѣ
зрящи Твоего Сына, Ему же вопіемъ:
благословенъ Богъ отецъ нашихъ.

Инъ.

Ирмосъ: Не послужиша твари божомудрии,
паче Создавшаго, но, огненное прещеніе мужески
поправше, радовахуся, поюще: препѣтый
отцевъ Господь и Богъ, благословенъ еси.

Законно Господу Вседержителю ты послужилъ еси, праведенъ яко истинно и въ законъ непороченъ, блаженне, бывъ, тѣмже поеши: препѣтый отцевъ Господь и Богъ, благословенъ еси.

Радость скорбящихъ прииде, избавленіе Израилю войстинну явися, яко Младенецъ въ храмъ своемъ, отпусти мя къ жизни будущей, — Симеонъ вопіяше, радуяся.

За милосердіе щедротъ Твоихъ претруждена мя закона писменемъ, слячена мя старостію отпусти, Спасе, раба Твоего, яко видѣхъ Тя, — Симеонъ взываше, — на земли носяща плоть.

Богородиченъ: Не истощивъ Полный пречистыхъ нѣдръ рождашаго Отца, въ Твоихъ нѣдрѣхъ, Чистая, яко Младенецъ сѣдитъ, уготовая, имже восхотѣ уподобитися, Пречистая, священное явѣ сѣдалище.

Пѣснь 8.

Ирмосъ: *Нестерпимому огню соединившися, богочестія предстояще, юноши, пламенемъ же невреждени, Божественную пѣснь пояху: благословите, вся дѣла Господня Господа, и превозносите во вся вѣки.*

Людіе Израилевы, Твою славу Еммануила зряще Отроча изъ Дѣвы, предъ лицемъ Божественнаго ковчега нынѣ ликуйте: благословите, вся дѣла Господня, Господа и превозносите во вся вѣки.

Се, Симеонъ вопіяше, — прерѣкаемое знаменіе Сей будетъ, Богъ Сый и Отроча, — Сему, вѣрніи, возопіимъ: благословите, вся дѣла Господня, Господа и превозносите во вся вѣки.

Животъ Сый, Сей будетъ паденіе непокоривымъ, младенствовавъ Богъ Слово, яко востаніе всѣмъ вѣрою поющимъ: благословите, вся дѣла Господня, Господа и превозносите во вся вѣки.

Инѣ.

Ирмосъ: *Отроки благочестивыя въ пещи Рождество Богородичо спасло естъ, тогда убо образуемое, нынѣ же дѣйствуемое, вселенную всю воздвизаетъ пѣти Тебѣ: Господа пойте, дѣла, и превозносите Его во вся вѣки.*

Овдовѣвшій міръ Божественныя славы пришедшаго невѣстоукрасити Пребожественнаго, вдова сущи, Анна всехвальная, и пророчества благодатию облистѣемая, прослави Его, и будущее всѣмъ

предстоящимъ показаше Божественное
избавленіе.

Законныя жѣртвы приносилъ еси, Агнца за
милосердіе несказанное, кровь спасительную
провозвѣщая издалеча, блаженне священниче,
Егоже воплощенна пріемъ, Симеоне,
прославился еси паче Моисея и всѣхъ
пророковъ.

Видѣвъ Желаннаго, разрѣшеніе пріялъ еси
тѣлесное, богодохновенне и, якоже зрѣлая
пшеница, прешелъ еси ко отцѣмъ, славне,
воспитанъ въ старости доброй. Тѣмже твою
всепразднственную паметъ радостію душевною
совершаемъ.

Богородиченъ: Яко кринъ, яко благовоненъ
шипокъ, яко божественное обоняніе, обрѣтъ Тя
Слово Пребоженное, Пречистая
Богоневѣсто, и въ Твою утробу вселися,
благоухая наше естество, злосмрадія
исполньшееся, еже отъ грѣха, Маріе Богородице.

**На 9-й пѣсни припѣвы. Всякій припѣвъ по
единожды.**

Богородице Дѣво, упованіе христіаномъ,
покрый, соблюди и спаси на Тя уповающихъ.

Богорóдице Дѣ́во, мі́ру блага́я помо́щнице,
покры́й и соблюди́ отъ всякія нۇ́жды и печа́ли.

Богонóсе Симеóне, при́иди, поды́ми Христа́,
Его́же роди́ Дѣ́ва чы́стая Ма́рія.

Объёмлетъ рука́ми ста́рецъ Симео́нъ Содо́теля
зако́на и Влады́ку вся́ческихъ.

Не ста́рецъ Мене́ держи́тъ, но Азъ держу́ его́:
то́й бо отъ Мене́ отпу́щенія про́ситъ.

Кле́ще та́инственная, ка́ко у́гль но́сиши? Ка́ко
пита́еши Пита́ющаго вся́?

О, дщи́ Фану́илева! При́иди, ста́ни съ на́ми и
благодари́ Христа́ Спа́са, Сы́на Бо́жія.

Анна цѣ́ломудренная провѣ́щаетъ стра́шная,
исповѣ́даючи Христа́, Творца́ не́бу и земли́.

Непостижи́мо е́сть содѣ́янное о Тебѣ́ а́нгеломъ и
человѣ́комъ, Ма́ти Дѣ́во чы́стая.

Чы́стая Голуби́ца, несквѣ́рная Агни́ца, Агнца́ и
Па́стыря прино́ситъ въ це́рковь.

О, Христе́, всѣ́хъ Царю́! Побѣ́ды на
враги́ Вѣ́рному Твоему́ рабу́, Имперáтору
на́шему да́руй.

О, Христе́, всѣхъ Царю́! Подаждь ми́ слѣзы теплы́, да плачу́ мою́ ду́шу, ю́же злѣ́ погуби́хъ.

Вмѣсто, Славы: Трисі́ятельное и Трѣ́ипоста́сное Боже́ство благоче́стно да похва́лимъ.

Вмѣсто, И ны́нѣ: **О**, Дѣ́вице Ма́ріе! Просвѣ́ти мою́ ду́шу, помраче́нную лю́ть житѣ́йскими сла́стми.

Пѣснь 9.

Ирмо́съ: *Въ зако́нѣ стѣни и писа́ній о́бразъ ви́димъ, вѣ́рнии: вся́къ му́жескій по́лъ, ложесна́ разверза́я, свя́тъ Бо́гу. Тѣ́мъ перворожде́нное Сло́во Отца́ Безнача́льна, Сы́на, первородя́щаяся Ма́терію неискусому́жно, велича́емъ.*

Иже дре́внимъ новорожде́нныхъ го́рличищъ супру́гъ дво́ица же бя́ше птенце́въ, въ нѣ́хже мѣ́сто божѣ́ственный ста́рецъ и цѣ́ломудренна́я Анна проро́чица отъ Дѣ́вы рожде́нному и Сы́ну Единоро́дному Отчу́, въ це́рковь приноси́му, служа́тъ, велича́юще.

Возда́ль еси́ мнѣ́, — вопія́ше Симео́нъ, — спасе́нія Твоего́, Христе́, ра́дование, воспри́ими Твоего́ служи́теля, сѣ́нію претружде́ннаго, но́выя благода́ти священнопроповѣ́дника та́йнаго, во хвале́ніи велича́юща.

Священнолѣпно исповѣдашеся Анна, прорицаючи, цѣломудренная, и преподобная, и старица, Владыцѣ въ цѣркви явственнѣ, Богородицу же, проповѣдаючи всѣмъ сущимъ, величаше.

Инѣ.

Ирмосъ: *Ева ѹбо недѹгомъ преслушанія клятву вселила естъ, Ты же, Дѣво Богородице, прозябѣніемъ чревоношенія мірови благословѣніе процвѣла еси. Тѣмъ Тя вси величаемъ.*

Чѣстны рѹцѣ твоѣ, войстинну прикоснѹвшіяся, Богопріимче, Божѣственнымъ удесѣмъ, — прикасающагося горамъ, — якоже поѣтъ Давидъ, — и дымѣтся, — блаженъ войстинну ты былъ еси. Тѣмже достойно восхваляемъ тя.

Молитва къ тебѣ источаетъ вѣрнымъ исцѣленія, пѣмѣть о тебѣ блаженная, сіяетъ пѣче солнца, и всѣхъ дѹши просвѣщаючи, и мрака мысленнаго исхищаетъ, священнотайнниче всечѣстне.

Просвѣщаютъ сіяніемъ мысленнымъ, яко солнце и луна подсолнечную, Анна цѣломудренная и пророчица, старецъ же Симеонъ славный. Ихже ради насъ, Человѣколюбче Господи, грѣховныя тмы избави.

Богородиченъ: Явльшуюся Тя, Матерь Божію, яко видѣвъ, Богородице, старецъ рече, якоже пророкъ: се Твой Сынъ, на востаніе и паденіе многихъ лежитъ, Владычице, и въ знаменіе неудобосказуемое.

Свѣтиленъ святому:

На землі равноангельно житіє имѣлъ еси, войстину престарѣвся тѣломъ, и нынѣ на небесѣхъ со ангельскими лики вселился еси близъ Свѣта Трисіяннаго. Егже насыщаяся, Симеоне Богопріимче, назирай насъ, поющихъ тя.

Слава, и нынѣ, праздника:

Духомъ во святилици представъ, старецъ на руки воспріять закона Владыку, вопія: нынѣ соузъ мя плотскихъ разрѣши, якоже рѣкъ еси, съ миромъ: видѣхъ бо очима откровеніе языковъ и Израилю спасеніе.

На хвалитехъ стихирѣ, гласъ 4.

Подобенъ: Даль еси знаменіе.

Законъ, иже въ писаніи,* исполняя, Человѣколюбецъ* въ цѣрковь нынѣ приносится,* и Сего пріемлетъ старыми руками Симеонъ старецъ, —* нынѣ отпускаеши мя, — вопія, —* ко оному блаженству:* видѣхъ бо Тя

днёсь, плотию мёртвенною
 обложённаго,* животомъ господствующа* и
 смертию владычествующа.

Свѣтъ во откровёніе языковъ* явился еси,
 Господи,* на облацѣхъ сѣдя легцѣхъ,* Солнце
 правды,* закона сѣночное исполняя* и начало
 изъясняя новыя благодати.* Тѣмъ, Тя видѣвъ,
 Симеонъ взываше:* изъ истлѣнія мя
 разрѣши,* яко видѣхъ Тя днёсь.

Нѣдръ Родителя не отлучся
 Божествомъ,* воплощся, якоже изволилъ
 еси,* объятіями держимъ Приснодѣвы,* на руки
 подався еси богопріимца Симеона,* рукою
 Твоею держай всяческая;* тѣмже — нынѣ
 отпускаеши мя, —* радостно взываше, —* въ
 міръ раба Твоего,* яко видѣхъ Тя, Владыко.

Стихиры Симеону, гласъ 4. Подобенъ тойже.

Праведенъ и совершенъ* и по всему славенъ
 сый, богодохновенне,* Бога Единого
 совершенна,* во еже оправдати міръ
 пришедшаго,* подъялъ еси руками
 воплощенна,* и отрѣшиться имый тѣлесѣ,
 вопіялъ еси Ему:* нынѣ отпускаеши раба
 Твоего* съ миромъ, Человѣколюбче,* яко видѣхъ
 Тя днёсь.

Юношствуя дѹхомъ,* престарѣвъ же тѣломъ,
 Симеоне,* обѣщаніе пріялъ еси не видѣти
 смѣрти,* дондеже увидиши Младѣнца
 юна,* прѣжде вѣкъ сущаго Творца и Бѣга
 всяческихъ,* плѣтїю обнищавша,* видѣвъ же,
 взыгралъ еси* и плѣти разрѣшеніе просилъ
 еси,* къ Божѣственнымъ селеніемъ прешедъ,
 радуяся.

Анна богодохновенная* и Симеонъ
 пребогатый,* пророчествомъ сіяющіи,* въ
 законъ же непорѣчни явльшіися,* закона
 Дателя,* Младѣнца, явльшася по намъ
 видѣвше,* Тому нынѣ поклонішася.* Тѣхъ
 пѣмѣть днесъ радостно прѣзднуимъ,* по долгу
 славяще Іисуса Человѣколюбца.

Слава, святому, гласъ 4:

О Господѣ радуяся и Бѣзѣ, Спаѣ своемъ,
 богоглаголивѣ и славно прорѣче, и тамо сущаго
 сіянїя зарю прїемъ, и Свѣтомъ Божѣственнымъ
 мысленно просвѣщаемъ, иже пѣмѣть твою
 всепрѣзднственную вѣрою творѣщїа, напѣстей и
 бѣдѣ твоими молитвами избѣви.

И нынѣ прѣздника, гласъ 6:

На рукахъ старческихъ во днѣшній дѣнь,* яко
 на колесницѣ херувимстѣй,* восклонїтисѣ

благоизволивый, Христѣ Бѣже,* и насъ,
поющихъ Тя,* страстей мучительства
призываемъ, избави* и спаси, яко
Человѣколюбецъ.

**Таже, славословіе великое, и отпусть и часъ
1-й.**

НА ЛИТУРГИИ,

**Блаженна отъ канона прѣздника пѣснь 1-я,
и святому пѣснь 6-я. Прокимень [прѣздника,
пѣснь Богородицы, гласъ 3: Величитъ душа
Моя Господа, и возрадовася духъ Мой о Бѣзѣ
Спасѣ Моѣмъ. Стихъ: Яко призрѣ на смиреніе
рабы Своея, се бо, отъ нынѣ ублажатъ Мя вси
рѣди. И святаго,] гласъ 7: Возвеселится
праведникъ о Господѣ и уповаѣтъ на
Него. Стихъ: Услыши, Бѣже, гласъ мой, внемди
молити ми ся къ Тебѣ. Апостолъ ко Евреѣмъ,
зачало 321 отъ полу. Аллилуія [прѣздника,
гласъ 8: Нынѣ отпускаеши раба Твоего,
Владыко, по глаголу Твоему, съ миромъ. Стихъ:
Свѣтъ во откровеніе языковъ и славу людей
Твоихъ Израіля. И святаго,] гласъ 6: Свѣтъ
возсия праведнику, и правымъ сердцемъ
веселіе. Евангеліе Луки, зачало 8.
Причастенъ [прѣздника: Чашу спасенія прииму**

и і́мя Госпо́дне призову́. **И свѣта́го:]** **Въ** па́мь вѣ́чную бу́детъ пра́ведникъ, [отъ слѣ́ха зла́ не убои́тся].

[Источникъ: Слѣ́жба свято́му и пра́ведному Симео́ну Богопри́имцу. — Тисне́ніе пѣ́рвое. — СПб: Въ Синода́льной Тѣпографіи, 1888. — С. 3-61.]

